



Área / Unidade TURISMO PS0002 MBLG	Documento 52418100AF	
Código de verificación 	Expediente 541/2024/832	
5J3I 3532 5S22 0W3I 0B23	Fecha 20-06-2024	

## RESOLUCIÓN

A Área Medio Ambiente emite a seguinte proposta (Documento nº: 52418100AE):

### **“INFORME RELATIVO Á PROPOSTA DE SERVIZOS MÍNIMOS A REALIZAR NO SERVIZO DE RECOLLIDA E TRANSPORTE DE RESIDUOS URBANOS CON MOTIVO DA CONVOCATORIA DE FOLGA INTERMITENTE QUE SE INICIARÁ O 24 DE XUÑO**

#### **1.- ANTECEDENTES**

**1.1.** O Comité de empresa da mercantil PREZERO ESPAÑA SAU, adxudicataria do servizo de recollida e transporte de residuos urbanos do Concello da Coruña, comunicou a este Concello o día 13 de xuño o inicio dunha folga de carácter indefinido e intermitente *“que durará toda a xornada laboral, afectando a todos os traballadores de todos os servizos da empresa PreZero España SAU, A Coruña, (...) empezando o día 24 de xuño, seguindo os días 25 de xuño; 8,25,26 e 27 de xullo; 8,9,15 e 16 de agosto e todos os martes e sábados en adiante en todos os servizos e quendas existentes ata que a empresa chegue a un acordo”*.

Sinala o preaviso remitido que *“A motivación da convocatoria fundaméntase na defensa dos dereitos e intereses profesionais dos traballadores da empresa e que veñen sendo vulnerados de maneira reiterada pola actitude da empresa que non está disposta a cumprir co estipulado en diversos artigos recollidos no convenio colectivo en vigor, así como no Estatuto dos Traballadores, lexislacións vixentes ao longo de 2023 e 2024 como por exemplo a lei de desconexión dixital, Plan de Formación, igualdade de trato e non discriminación, a vulneración dos dereitos e tutela da liberdade sindical existente, así como a presión e represión aos membros do Comité de Empresa e delegada da Sección Sindical (...)”*.

A proposta de servizos mínimos que realiza o Comité nese preaviso *“durante todos os días que dure a folga a fin de que os riscos para a saúde pública sexan os mínimos”* é a seguinte:

#### **\*RECOLLIDA DE RESIDUOS**

- 1 camión para servizos hospitalarios (1 conductor, 2 peóns)
- 1 camión para prazas de abastos, residencias da terceira idade, centros de especialidades “Ventorrillo”, “San Xosé” e “Casa do Mar”(1 conductor e 2 peóns)

#### **\* OFICINAS**

- 1 administrativo para o servizo telefónico

#### **\* TALLERES**

- 1 operario de taller”

**1.2.** O 14 de xuño, realízase requirimento á empresa PreZero para que, entre outras cuestións, propoñan a este Concello *“os servizos mínimos que consideren debe contar o servizo de recollida de residuos para garantir á cidadanía a prestación do servizo co fin de manter a salubridade da cidade e*



minimizar os posibles riscos para a saúde pública que puidesen derivarse da acumulación de residuos nas rúas”.

O 18.06.2024 a citada mercantil remite por Rexistro Xeral a este Concello a proposta de servizos mínimos requirida:

PROPUESTA SERVICIOS MÍNIMOS PREZERO						
SERVICIO	TURNO	EQ. HABITUAL	EQUIPOS	CONDUCTORES	PEONES	%
Recogida Orgánica e Inorgánica	Noche	21	16	16	32	85,71%
Retén Recogida	Noche		2	2	4	
Recogida Papel y Cartón CL	Noche	2	2	2		100,00%
Recogida Orgánica Inorgánica	Mañana	1	1	1	2	100,00%
Recogida Vidrio Carga Superior	Mañana	1	1	1	1	100,00%
Recogida Vidrio Carga Lateral	Mañana	1	1	1		100,00%
Recogida Papel y Cartón Carga Superior	Mañana	2	1	1	1	50,00%
Retén Recogida	Mañana	4	4	4	8	100,00%
Recogida Mercados	Tarde	1	1	1	2	100,00%
				29	50	

SERVICIOS NOCHE	23	86,96%
SERVICIOS MAÑANA	9	77,78%
SERVICIOS TARDE	1	100,00%
		87,88%

Así mesmo, no escrito remitido a mercantil sinala que esta proposta remitiuse ao Comité de Empresa quen manifestou vía mail a súa desconformidade cos mesmos, se ben traslada “a súa disponibilidad para debatilos na vindeira xuntanza que se manterá con eles o vindeiro xoves 20 de xuño ás 16 horas”

**1.3.** Cómpre destacar que o Comité de Empresa da UTE CORUÑA LIMPIEZA, tamén convocou folga intermitente no servizo de limpeza viaria e que tamén da comezo o mesmo día 24, se ben despois os días intermitentes de folga non coinciden exactamente cos sinalados no servizo de recollida de residuos, agás algunha excepción como os días 26 e 27 de xullo ou os días 9 e 15 de agosto, así como todos os sábados).

Non obstante, observando os días de folga previstos para un e outro servizo leva á conclusión de que a concatenación e alternancia de días entre un e outro servizo crea un potencial risco á cidadanía.

## 2.- CONSIDERACIÓNS TÉCNICO-XURÍDICAS

**2.1.** Conforme ao previsto no *artigo 28.2 da Constitución Española e no artigo 10.2 do Real Decreto-Lei 17/1977, de 4 de marzo, de Relacións de Traballo*, o Concello pode adoptar as medidas necesarias para asegurar o funcionamento dos “servizos públicos ou de recoñecida e inaprazable necesidade” e “acordar as medidas necesarias para asegurar o funcionamento do servizos” e garantir, neste caso, as condicións mínimas esixibles de salubridade e seguridade urbana.



Da constitucionalidade recoñecida do artigo 10.2 do RD-Lei 17/1977 (STC 11/1941, de 8 de abril), en concordancia co artigo 28.2. da Constitución, deriva a instrución do procedemento para a fixación das citadas medidas necesarias, no que resultaron oídas ambas partes -Comité de Empresa e mercantil- en tanto que ambas presentaron ante este Concello as súas propostas de medidas ou servizos mínimos.

**2.2.** Conforme o artigo 28.2 da Constitución Española, o dereito de folga ten que conciliarse co mantemento dos servizos esenciais para a comunidade, de xeito que deben adoptarse as medidas precisas para manter a cobertura mínima dos dereitos, liberdades e bens que satisfagan os ditos servizos esenciais, sen que se esixa alcanzar o nivel de rendemento habitual nin asegurar o seu funcionamento normal.

De acordo co establecido no artigo 28.2 da Constitución Española polo que se recoñece o dereito de folga dos traballadores para a defensa dos seus intereses, *“la Ley que regule el ejercicio de este derecho establecerá las garantías precisas para asegurar el mantenimiento de los servicios esenciales de la comunidad”*. Así, e de acordo co artigo 10.2 do Real Decreto-Lei 17/1977, de 4 de marzo, de Relacións de Traballo, a Autoridade Gubernativa poderá acordar as medidas necesarias para asegurar o funcionamento dos servizos, cando a folga se declare en empresas **encargadas da prestación dun servizo público ou de recoñecida e inaprazable necesidade e concorran circunstancias de especial gravidade**.

O Tribunal Constitucional nas súas Sentenzas 11, 26 e 33/1981, 51/1986 e 27/1989 sentou a doutrina en materia de folga respecto da fixación de tales servizos esenciais da comunidade, a cal foi resumida pola Sentenza de devandito Tribunal 43/1990, de 15 de marzo, e ratificada na de 29 de abril de 1993, sinalando a obrigaón da Administración de velar polo funcionamento dos servizos esenciais da comunidade, tendo en conta que *“exista una **razonable proporción** entre los **servicios** a imponer a los huelguistas y los **perjuicios** que padezcan los usuarios de aquellos, evitando que los servicios esenciales establecidos supongan un funcionamiento normal del servicio y al mismo tiempo procurando que el interés de la comunidad sea perturbado por la huelga solamente en términos razonables”*.

O Tribunal Supremo nunha sentenza do 15 de xuño de 2005 (recurso núm. 907/2002) refírese **ao principio de proporcionalidade**, sinalando que o respecto do dito principio nos servizos mínimos depende de *“que el contraste entre, de un lado, el sacrificio que para el derecho de huelga significan tales servicios mínimos y, de otro, los bienes o derechos que estos últimos intentan proteger, arroje como resultado que aquel sacrificio sea algo inexcusable o necesario para la protección de esos otros bienes o derechos, o de menor gravedad que el quebranto que se produciría de no llevarse a cabo los servicios mínimos”*.

O Tribunal Superior de Xustiza de Galicia, na sentenza do 19 de outubro de 2011 (recurso núm. 26/2010), aos efectos de ter cumprido o deber de motivación na fixación dos servizos mínimos e a observancia dos principios de proporcionalidade e mínima restrición o dereito de folga, sinala *“De la citada jurisprudencia y doctrina constitucional se induce que el deber de motivación se debe entender cumplido cuando quedan patentes los factores o criterios cuya ponderación ha permitido determinar las prestaciones mínimas establecidas, consignando los criterios y parámetros objetivos tenidos en cuenta para considerar un servicio publico como esencial y unos concretos mínimos en su prestación”*. Na sentenza do 22 de febreiro de 2012 (recurso núm. 19/2010), fai referencia a unha sentenza do Tribunal Supremo do 20 de outubro de 2011 que di *“han de hacerse explícitos, siquiera sea sucintamente, **los criterios seguidos** para fijar el nivel de tales servicios, de forma que por los*



*Tribunales, en su caso, y en su momento, se pueda fiscalizar la adecuación de las medidas adoptadas" [...] En primer lugar, que sean identificados los intereses afectados por la huelga (el inherente al derecho de los huelguistas y el -o los- que puedan ostentar los afectados por el paro laboral). Y en segundo lugar, que se precisen también los factores y criterios que han sido utilizados para llegar al concreto resultado plasmado en los servicios mínimos que hayan sido fijados".*

**2.3.** A Lei 7/1985, de 2 de abril, reguladora das bases do réxime local establece que é un servizo municipal de prestación obrigatoria, en tódolos municipios, a recollida de residuos. Trátase dun servizo público que non so ten a consideración de servizo público obrigatorio, se non tamén, de servizo público esencial. Así mesmo, a Lei 5/1997 de Administración Local de Galicia contempla a recollida de residuos como un servizo público mínimo obrigatoria a prestar por tódolos municipios (artigo 81).

O Tribunal Constitucional, na sentenza 185/1995 de 14 de decembro, ofrece unha visión do que pode considerarse como un servizo público esencial, sendo aquel que é *"objetivamente indispensable para poder satisfacer las necesidades básicas de la vida personal o social de los particulares de acuerdo con las circunstancias sociales de cada momento y lugar o, dicho, con otras palabras, cuando la renuncia a estos bienes, servicios o actividades priva al particular de aspectos esenciales de su vida privada o social"*.

O servizo de recollida de residuos urbanos considérase un servizo esencial na medida en que a súa interrupción, derivada do dereito de folga, pon en perigo o mantemento da salubridade e o medio ambiente no Concello da Coruña, afectando a bens e dereitos dos cidadáns recoñecidos e protexidos no Título Primeiro da Constitución Española, como son o dereito á saúde e ao medio ambiente. É por iso que o Concello vese compelido a garantir os citados servizos considerados esenciais mediante a fixación de servizos mínimos.

Para a fixación por parte de tales medidas de garantía hai que ter en conta, como sinala xurisprudencia reiterada, que *"partiendo de que el derecho de huelga, cuando se ejercita en servicios esenciales, puede ser restringido pero no de tal forma que quede vacío de contenido y prácticamente irreconocible como tal derecho"*.

En consecuencia, non se trata de garantir nin alcanzar o funcionamento nin o rendemento ordinario do servizo, senón de garantir á cidadanía a prestación do servizo de recollida de residuos urbanos co fin de manter **a salubridade da cidade e minimizar os posibles riscos para a saúde pública que puidesen derivarse da falta de limpeza e hixiene e da acumulación de residuos na rúa, dos malos cheiros, lixiviados, proliferación de roedores, os cales son vehículos de transmisión, e mesmo de enfermidades infecto-contaxiosas que xeren risco para a cidadanía**. Trátase dun dereito esixible polos veciños, tal e como se contempla no artigo 18.g) da Lei 7/1985.

**2.4.** Unha vez examinadas as propostas presentadas polo Comité de empresa e pola propia mercantil, e tendo en conta que á data actual non hai acordo na fixación destes mínimos e que, en última instancia corresponde ao Concello a posibilidade de adopción das medidas necesarias para asegurar o funcionamento dos servizos e garantir, neste caso, as condición mínimas esixibles de salubridade e seguridade urbana, **estímase que debe garantirse a recollida de residuos en cada contedor da cidade nun 50 %, o que supón que tódolos contedores de orgánico e inorgánico se recollan cada dous días**. Enténdese que os medios resultan ser adecuados e proporcionados atendendo os seguintes criterios:



- A importancia dos bens e dereitos constitucionais, antes citados, susceptibles de ser afectados por medio de folga, posto que a empresa é a contratista do servizo público de recollida de residuos urbanos. Isto é, a actividade que realiza a empresa considérase claramente un servizo esencial para a comunidade, non existindo alternativas ao servizo prestado.
- Os servizos mínimos fixados teñen que garantir, en todo momento, que non se chegue a producir unha potencial afección sobre á saúde pública, pola posible acumulación continuada de residuos (das fraccións inorgánicas e orgánicas principalmente) sen recoller nas rúas, limitando, ao mesmo tempo a respectiva sucidade no espazo público, a presenza de residuos dispersos (*littering*) no entorno inmediato dos puntos de contenerización e os malos cheiros.
- O volume de poboación afectada (case 250.000 persoas) e a gran densidade de poboación que ten o Concello, particularmente nos distritos 6 (58.746,67 habitantes/km<sup>2</sup>), 4 (30.628,71 habitantes/km<sup>2</sup>), 3 (18.515,94 habitantes/km<sup>2</sup>) e 2 (15.862,37 habitantes/km<sup>2</sup>). A metade de poboación do Concello concéntrase en catro distritos cunha ratio de habitante/km<sup>2</sup> moi elevada.
- Cómpre indicar que o 24 de xuño ten lugar en todos os barrios da cidade e, moi especialmente nos areas de Riazón-Orzán, a súa celebración con fogueiras e sardiñadas que constitúen unha auténtica festa cidadá. Así, o San Xoán da Coruña declarouse como *Festa de Interese Turístico Internacional* xa en maio de 2015, e antes *Festa de Interese Turístico Nacional* en xuño de 2003 e tamén antes *Festa de interese turístico* pola Xunta de Galicia en abril do 2000, atraendo a innumerables visitantes á cidade ao longo dos días 23 e 24 de xuño.

Estímase que tan só na noite de San Xoán pode haber preto de 150.000 persoas nas praias e na súa contorna, cunha alta xeración de residuos (no ano 2023 foi de 54.000 kg a maiores dos xerados un día normal), coa particularidade engadida de que moitos dos residuos poden ser especialmente perigosos en canto á iniciación de lumes ao proceder dos centos de fogueiras que se realizan nos barrios e praias habilitadas para tal efecto.

- A duración da folga e as súas particularidades (carácter intermitente e escalonado coa folga da concesionaria de limpeza viaria).
- Os servizos mínimos fixados en folgas precedentes. O obxectivo dos servizos mínimos que agora se propoñen é o mesmo que o contemplado en folgas precedentes, equiparables a actual. Para ese fin, garantir a recollida de residuos en cada contedor da cidade nun 50 %, enténdense necesarios o os medios que se fixan como servizos mínimos nos días ordinarios.
- Entre as xornadas comprendidas dentro do período do folga, atópanse os días festivos de máxima importancia durante a época estival e temporada alta turística 24 de Xuño, 25 de xullo e 15 de Agosto (e as súas respectivas pontes asociadas). Todas elas importantes datas vencelladas as celebracións da época estival e nas que se acadan os picos máximos de xeración e achega nas diversas fracción de residuos (Orgánica, Inorgánica, Papel-Cartón e Vidro) polo que parece lóxico que tecnicamente que reforcen e se garantan os servizos mínimos para dar resposta a esta demanda incrementada de servizos no período estival.

Así, hai que ter en conta a celebración de eventos multitudinarios na cidade, como son o San Xoán xa citado pero tamén as Festas de María Pita durante todo o mes de agosto con eventos de alta concentración de persoas.



- **Propóñense uns servizos mínimos coa finalidade de que sexan capaces de recoller a metade dos contedores de todo o termo municipal cada día.** Debe terse en conta que non pode contemplarse na fixación destes servizos mínimos un 50% de medios materiais e humanos en lugar do 50% dos contedores a recoller xa que, como xa se sinalou, o volume de residuos a recoller será bastante mais posto que os contedores encontraranse cheos dos residuos xerados durante dous días. **É dicir, a recollida dun 50 % de contedores so equivalería a un 50 % de medios en condicións normais, partindo duns contedores previamente recollidos.** **Cun día previo, cos contedores cheos de residuos sen recoller, mais os residuos xerados no propio día da recollida, esixe duns medios, para a súa correcta recollida, irremediamente superiores a ese 50 % sinalado.**

En base a todo o exposto, **PROPONSE A ADOPCIÓN DA SEGUINTE RESOLUCIÓN:**

**1.- FIXAR OS SEGUINTE SERVICIOS MÍNIMOS OBRIGATORIOS A REALIZAR** durante o período de folga indefinida e intermitente, que comezará as 00.00 h do 24 de xuño de 2024, seguindo os días 25 de xuño; 8, 25, 26 e 27 de xullo; 8, 9, 15 e 16 de agosto e todos os martes e sábados en adiante, convocada en Prezero, S.A.U., empresa contratista do servizo de recollida de residuos urbanos:

**\* DÍA 24 DE XUÑO (FESTIVIDADE DE SAN XOÁN)**

Desde as 7 da mañá haberá 7 equipos específicos para a recollida vinculada ao evento e ás zonas que pola súa ocupación non se puideron recoller durante toda a noite:

- 2 equipos con camións de caixa única para a recollida de orgánicos.
- 2 equipos con camións de caixa única para recollida de inorgánicos.
- 2 equipos con camións de dous compartimentos para a recollida das 2 fraccións.
- 1 equipo con camiión de plataforma e guindastre para recollida de vidro.

SERVIZO	QUENDA	EQUIPOS	CONDUCTORES	PEÓNS
Recollida Orgánica e Inorgánica	Mañá	6	6	12
Recollida Vidro Carga vertical	Mañá	1	1	1

**\*RESTO DE SERVICIOS DESA MESMA NOITE (24) EN CONSONANCIA CO RESTO DOS DÍAS INTERMITENTES DE FOLGA:** 25 de xuño; 8, 25, 26 e 27 de xullo, 8, 9, 15 e 16 de agosto e todos os martes e sábados en adiante ata que se chegue á solución do conflito:

SERVIZO	QUENDA	EQUIPOS	CONDUCTORES	PEÓNS
Recollida Orgánica e Inorgánica	Noite	15	15	30
Retén Recollida	Noite	1	1	2
Recollida Papel y Cartón CL	Noite	2	2	



Recollida Papel y Cartón CS	Mañá	1	1	1
Recollida Orgánica e Inorgánica (Hospitais)	Mañá	1	1	2
Recollida Vidro CL	Mañá	1	1	
Recollida Vidro CS	Mañá	1	1	1
Retén Recollida	Mañá	4	4	8
Recollida Mercados	Tarde	1	1	2

**\*ESTRUTURA DE PERSOAL EN TODOS OS DÍAS DE FOLGA:**

JEFE DE SERVICIO	1
TÉCNICO	1
ADMINISTRATIVO	1
AUXILIAR TÉCNICO	1
CAPATACES MAÑANA	1
CAPATACES NOCHE	1
JEFE TALLER	1
TALLER MAÑANA	3
TALLER NOCHE	1
LAVADERO	1
VIGILANTE	1
LIMPIADORA	1

**2.-** En todo caso, a prestación de servicios mínimos **debe garantir a recollida de residuos en cada contedor da cidade, cada dous días, agás a especificidade sinalada para os servizos mínimos da noite de San Xoán a partir das 7.00 horas**, considerando que esta ratio é a mínima e imprescindible para evitar problemas de salubridade na cidade e minimizar os posibles riscos para a saúde pública que puidesen derivarse da falta de limpeza e hixiene e da acumulación de residuos na rúa, dos malos cheiros, lixiviados, proliferación de roedores -os cales son vehículos de transmisión-, e mesmo de enfermidades infecto-contaxiosas que xeren risco para a cidadanía.

Ademais, deberá en todo momento actuarse ante circunstancias ou actuacións urxentes que así o demanden, dando resolución as estas incidencias co persoal estritamente necesario para elo.



**3.-** Correspóndelle a Prezero S.A.U., coa participación do Comité de Folga, a facultade de designar ás persoas traballadoras que deban efectuar os servizos mínimos, velar polo cumprimento dos mesmos e a organización do traballo correspondente a cada unha delas, sen prexuízo do exercicio da correspondente competencia do Concello como titular do servizo.

Os servizos mínimos non poderán ser perturbados por alteracións ou paros do persoal designado para a súa prestación. En caso de producirse, serán considerados ilegais, incorrendo en responsabilidade quen os ocasione.

**4.-** En función da duración da folga e das necesidades urxentes que se detecten, poderanse incrementar os devanditos servizos mínimos co fin de manter, en todo caso, a seguridade e salubridade pública, como bens e dereitos fundamentais a protexer.

**5.-** Prezero S.A.U. proporcionará ao Concello da Coruña información diaria sobre as incidencias que puideran acontecer, dos servizos diarios completados, do número de traballadores que secundan a folga sobre o número total e das categorías profesionais de cada un dos traballadores que secundan a folga, das situacións que poidan comportar un risco para a salubridade pública e de toda aquela información que consideren relevante.

**6.-** Correspóndelle á Prezero S.A.U. soportar as consecuencias económicas da folga vinculadas á xestión do contrato. A Administración municipal detraerá as cantidades correspondentes ás prestacións deixadas de realizar, aos gastos deixados de soportar polo contratista e as consecuencias económicas negativas para a Administración municipal, derivadas de costes complementarios para o mantemento do servizo público obrigatorio ou ingresos non percibidos ligados á execución do contrato.

**7.-** Notificar a presente resolución ao Comité de Folga e a Prezero S.A.U., así como ao Servizo de Traballo e Economía Social da Consellería de Traballo e Benestar da Xunta de Galicia.

A Coruña, na data de sinatura dixital que consta neste documento

Asdo.

- O Técnico superior de Residuos Urbanos
- A xefa do Departamento de Residuos Urbanos
- O director de Área de Medio Ambiente”

Visto o informe proposta que precede á presente Resolución, e facendo uso das facultades conferidas na Lei 7/1985, de 2 de abril, de Bases de Réxime Local, e segundo o Decreto 3531/2024 de Alcaldía de delegacións de competencias do 19.06.2024,

## RESOLVO

**1.- FIXAR OS SEGUINTEs SERVIZOS MÍNIMOS OBRIGATORIOS A REALIZAR** durante o período de folga indefinida e intermitente, que comezará as 00.00 h do 24 de xuño de 2024, seguindo os días 25 de xuño; 8, 25, 26 e 27 de xullo; 8, 9, 15 e 16 de agosto e todos os martes e sábados en diante, convocada en Prezero, S.A.U., empresa contratista do servizo de recollida de residuos urbanos:





## \* DÍA 24 DE XUÑO (FESTIVIDADE DE SAN XOÁN)

Desde as 7 da mañá haberá 7 equipos específicos para a recollida vinculada ao evento e ás zonas que pola súa ocupación non se puideron recoller durante toda a noite:

- 2 equipos con camións de caixa única para a recollida de orgánicos.
- 2 equipos con camións de caixa única para recollida de inorgánicos.
- 2 equipos con camións de dous compartimentos para a recollida das 2 fraccións.
- 1 equipo con camiión de plataforma e guindastre para recollida de vidro.

SERVIZO	QUENDA	EQUIPOS	CONDUCTORES	PEÓNS
Recollida Orgánica e Inorgánica	Mañá	6	6	12
Recollida Vidro Carga vertical	Mañá	1	1	1

**\*RESTO DE SERVIZOS DESA MESMA NOITE (24) EN CONSONANCIA CO RESTO DOS DÍAS INTERMITENTES DE FOLGA:** 25 de xuño; 8, 25, 26 e 27 de xullo, 8, 9, 15 e 16 de agosto e todos os martes e sábados en adiante ata que se chegue á solución do conflito:

SERVIZO	QUENDA	EQUIPOS	CONDUCTORES	PEÓNS
Recollida Orgánica e Inorgánica	Noite	15	15	30
Retén Recollida	Noite	1	1	2
Recollida Papel y Cartón CL	Noite	2	2	
Recollida Papel y Cartón CS	Mañá	1	1	1
Recollida Orgánica e Inorgánica (Hospitais)	Mañá	1	1	2
Recollida Vidro CL	Mañá	1	1	
Recollida Vidro CS	Mañá	1	1	1
Retén Recollida	Mañá	4	4	8
Recollida Mercados	Tarde	1	1	2

## \*ESTRUTURA DE PERSOAL EN TODOS OS DÍAS DE FOLGA:

JEFE DE SERVIZO	1
TÉCNICO	1



ADMINISTRATIVO	1
AUXILIAR TÉCNICO	1
CAPATACES MAÑANA	1
CAPATACES NOCHE	1
JEFE TALLER	1
TALLER MAÑANA	3
TALLER NOCHE	1
LAVADERO	1
VIGILANTE	1
LIMPIADORA	1

**2.-** En todo caso, a prestación de servicios mínimos **debe garantir a recollida de residuos en cada contedor da cidade, cada dous días, agás a especificidade sinalada para os servizos mínimos da noite de San Xoán a partir das 7.00 horas**, considerando que esta ratio é a mínima e imprescindible para evitar problemas de salubridade na cidade e minimizar os posibles riscos para a saúde pública que puidesen derivarse da falta de limpeza e hixiene e da acumulación de residuos na rúa, dos malos cheiros, lixiviados, proliferación de roedores -os cales son vehículos de transmisión-, e mesmo de enfermidades infecto-contaxiosas que xeren risco para a cidadanía.

Ademais, deberá en todo momento actuarse ante circunstancias ou actuacións urxentes que así o demanden, dando resolución as estas incidencias co persoal estritamente necesario para elo.

**3.-** Correspóndelle a Prezero S.A.U., coa participación do Comité de Folga, a facultade de designar ás persoas traballadoras que deban efectuar os servizos mínimos, velar polo cumprimento dos mesmos e a organización do traballo correspondente a cada unha delas, sen prexuízo do exercicio da correspondente competencia do Concello como titular do servizo.

Os servizos mínimos non poderán ser perturbados por alteracións ou paros do persoal designado para a súa prestación. En caso de producirse, serán considerados ilegais, incorrendo en responsabilidade quen os ocasione.

**4.-** En función da duración da folga e das necesidades urxentes que se detecten, poderanse incrementar os devanditos servizos mínimos co fin de manter, en todo caso, a seguridade e salubridade pública, como bens e dereitos fundamentais a protexer.

**5.-** Prezero S.A.U. proporcionará ao Concello da Coruña información diaria sobre as incidencias que puideran acontecer, dos servizos diarios completados, do número de traballadores que secundan a folga sobre o número total e das categorías profesionais de cada un dos traballadores que secundan a folga, das situacións que poidan comportar un risco para a salubridade pública e de toda aquela información que consideren relevante.



**6.-** Correspóndelle á Prezero S.A.U. soportar as consecuencias económicas da folga vinculadas á xestión do contrato. A Administración municipal detraerá as cantidades correspondentes ás prestacións deixadas de realizar, aos gastos deixados de soportar polo contratista e as consecuencias económicas negativas para a Administración municipal, derivadas de costes complementarios para o mantemento do servizo público obrigatorio ou ingresos non percibidos ligados á execución do contrato.

**7.-** Notificar a presente resolución ao Comité de Folga e a Prezero S.A.U., así como ao Servizo de Traballo e Economía Social da Consellería de Traballo e Benestar da Xunta de Galicia.

A Coruña, na data de sinatura dixital que consta neste documento.

A Alcaldesa P.D.

Concelleira delegada da Área de Medio Ambiente  
Eudoxia María Neira Fernández